






## Yohanis 14



Yesus bilang par Antua pung murid-murid lai kata, "Jang hati susa. Percaya Allah tarus deng percaya Beta tarus lai. Di Beta pung Bapa pung ruma ada banya kamar. Kalo itu seng batul, Beta seng bilang akang par kamong."




Beta pi ka sana kamuka par kasi siap tampa par kamong. Abis pi kasi siap tampa tu, Beta nanti bale kombali la bawa kamong ka sana. Beta biking bagitu biar kalo Beta ada di mana, kamong jua ada di situ lai.



Basudara samua! Beta ni Yohanis, kamong pung sudara yang sama-sama percaya Yesus. Beta deng kamong ni orang-orang yang dapa

parenta dari Allah yang jadi katong pung Raja.



3

Katong sama-sama sangsara deng tahang hati tagal katong satu hati deng Yesus. Beta dapa tangkap la dapa buang di pulo Patmos


tagal kasi tau Allah pung pasáng deng kasi tau

apa yang Yesus bilang par beta.




4

Oras itu jua, Allah pung Roh piming beta la beta lia kadera raja satu di sorga, deng ada yang dudu di akang.




5

Tarus beta dengar lai samua yang ada di sorga, di dunya, di orang mati pung tanpa, deng di dalang aer manyanyi bagini, "Antua yang dudu di kadera raja tu deng Domba Ana tu, Dong pantas par dapa puji, hormat, deng dapa angka tinggi-tinggi tarus-tarus. Dong yang pegang kuasa par samua-samua tarus-tarus."




6

Beta lia kota yang kudus, Yerusalem baru tu, turung dari Allah di sorga. Kota tu paleng bagus macang deng panganting parampuang yang su bahias par dia pung panganting laki-laki. Tarus, beta dengar suara basar dari kadera raja tu bilang kata, "Lia! Allah pung tanpa tinggal ada di tenga-tenga manusia."




7

"Antua nanti tinggal sama-sama deng dong, deng dong nanti jadi Antua pung orang-orang. Antua sandiri nanti ada deng dong, deng Antua jadi dong pung Allah."




8


Abis malekat kasi unju kota tu par beta, dia kasi unju aer yang biking orang hidop tarus-tarus. Aer tu jarning macang deng kaca. Akang kaluar dari Allah deng Domba Ana pung kadera raja, ng akang bajalang di tenga-tenga jalang basar di kota tu.



Kota tu seng parlu matahari ka bulang par biking tarang akang lai, tagal Allah pung sinar tarang deng Domba Ana tu su kasi tarang kota tu.



Mar, orang-orang yang pung kalakuang jahat, orang-orang yang somba apa sa yang bukap Allah, ka orang-orang yang mulu parlente, dong seng bole maso ka dalang kota tu. Cuma orang-orang yang pung nama ada tatulis dalang Domba Ana pung buku yang isi nama-nama orang yang nanti hidop tarus-tarus deng Allah sa yang bisa maso ka situ.




"Antua nanti seka dong pung aer mata. Seng ada kamatiang lai. La dong nanti seng marata, ka manangis, ka rasa saki lai, tagal dunya partama su seng ada lai."



Dalang kota tu seng ada apapa yang Allah kutok. Allah deng Domba Ana pung kadera raja ada dalang kota tu deng Antua pung jongos-jongos somba Antua. Dong tu samua orang yang parcaya. Dong lia Antua pung muka, la Antua pung nama tatulis di dong pung testa.



La beta lia orang-orang mati, orang kacil ka basar, badiri di muka kadera raja tu. La buku-buku yang isi samua yang orang su biking dapa buka. La buku satu laeng lai dapa buka. Buku tu isi nama-nama orang yang nanti hidop tarus-tarus deng Allah. La Allah putus samua orang mati pung parkara iko apa yang dong su biking, sama deng apa yang su tatulis dalang buku-buku tu. Orang-orang yang pung nama seng tatulis dalang buku yang isi nama-nama orang yang nanti hidop tarus-tarus deng Allah tu, dong samua dapa lempar ka dalang lautang api tu.



Allah pung Roh deng panganting parampuang bilang kata, "Datang jua!" Sapa yang dengar pasang ni mari bilang, "Datang jua!" Sapa yang aos, mari datang! Sapa yang mau minong, mari ambe aer yang biking orang hidop tarus-tarus tu deng cuma-cuma.



15

Tagal Allah paleng sayang manusia di dunya ni sampe Antua utus Antua pung Ana satu areng-areng ni datang ka dunya par tabus manusia pung dosa-dosa. Antua utus Antua pung Ana ni biar sapa sa yang percaya Antua pung Ana ni, dia seng mati tarus, mar hidop tarus-tarus deng Antua.

60



60

16

Roma 3:23

Tagal samua orang su bardosa deng su jau dari Antua yang hebat deng luar biasa tu.

Roma 6:23

Barang, tagal dosa, katong mati tarus-tarus. Mar tagal Allah pung hati bae, katong hidop tarus-tarus tagal katong satu hati deng Tuhan Yesus Kristus yang katong somba.

Ibrani 9:27

La sama deng Allah su putus kalo manusia tu cuma mati satu kali la abis itu Antua putus dia pung parkara,

17

Efesus 2:8,9

Jadi, tagal Allah pung hati bae, Antua kasi selamat kamong tagal kamong percaya Yesus Kristus. Kamong selamat bukung tagal kamong pung usaha sandiri, mar tagal Antua pung mau sandiri par biking bagitu. Jadi, tagal itu bukung kamong pung usaha sandiri, jang ada satu orang lai yang makang puji soal itu.

Roma 10:9,10

Katong kasi balajar bagini: Kalo kamong mangaku deng kamong pung mulu kata Yesus tu Tuhan yang parenta kamong la percaya dalang hati kalo Allah su kasi hidop Antua kombali, Antua nanti kasi selamat kamong. Barang deng hati, orang percaya la Allah biking dia jadi batul di muka Antua. La deng mulu, orang mangaku la dapa kasi selamat.

18

Yohanis 3:16,17

Tagal Allah paleng sayang manusia di dunya ni sampe Antua utus Antua pung Ana satu areng-areng ni datang ka dunya par tabus manusia pung dosa-dosa. Antua utus Antua pung Ana ni biar sapa sa yang percaya Antua pung Ana ni, dia seng mati tarus, mar hidop tarus-tarus deng Antua. Barang, Antua utus Antua pung Ana ni par datang ka dunya, bukung par hukum manusia, mar par kasi selamat manusia dari dong pung dosa-dosa.

19

1 Yohanis 5:11-13

Katong percaya kalo apa yang Allah bilang par katong tu batul. Antua bilang kalo katong bisa hidop tarus-tarus deng Antua tagal katong su percaya Antua pung Ana. Jadi sapa yang percaya Antua pung Ana, dia nanti hidop tarus-tarus deng Antua. Mar sapa yang seng percaya Antua pung Ana, dia seng bisa hidop tarus-tarus deng Antua. Basudara samua yang percaya Allah pung Ana, beta tulis surat ni biar kamong tau batul-batul kalo kamong su mulai hidop tarus-tarus deng Allah.

20

Yohanis 14; 2 Korintus 5;  
Yohanis Dapa Tanda 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Malay, Ambonese NT (abs) © 2022, Sinode Gereja  
Protestan Maluku

<https://www.bible.com/en-GB/bible/2734/MAT.1>

©2026 Bible for Children, Inc.  
[www.M1914.org](http://www.M1914.org)    [www.bibleforchildren.org](http://www.bibleforchildren.org)